


Waabiwin:
 Iw Ontario gakina Anishinaabekwewag, abinoojiinyag miinawaa 2SLGBTQQIA+ bemaadizijig wenji-ganawenimindwaa miinawaa wenji-akawaabanjigaazowaad, atesininig miigaadiwin miinawaa goopaji'iwewin atesininig.



Nashke: Maanda genawaabandaming iw Ontario's Wenji-izhichigeng National Izhichigewin Inaakonigewin. Agindan wiindamaagewin imaa: Ontario.ca/PathwaysToSafety (English) Ontario.ca/parcoursverslasecurite (French)

Wiji-anokiinding imaa **Anishinaabekwewag Naadamaagewaad Ogaganoonidiwiniwaa**



Inagakeyaa Miikaansing Izhaang Wenji-ganawenjigaazong miinawaa Wenji-akawaabanjigaazong

Nimaajitaamin waabanong ozhitooyaang ningoji waa-ayaawaad Anishinaabekwewag, ikwezensag, miinawaa 2SLGBTQQIA+ bemaadizijig nesidowaabandamaang inaadiziwin aanjitoong. Ontario oga-naadamaagonaawaa Anishinaabekwewag ji-niigaaniziwaad awashime ji-ategin wawiingeziwin miinawaa noojimowin. Memindage go izhichigewinan, dezhiikaming inawendiwin miinawaa zhooniyaakewin weweni ganawaabanjigaadegin, wii-ganawenimindwaa wii-maji-doodawindwaa Anishinaabekwewag, ikwezensag, miinawaa 2SLGBTQQIA+ bemaadizijig.

Inagakeyaa Miikaansing Wii-mino-ayaang miinawaa Wii-mino-izhiwebizing

Zhaawanong nindizhaamin miinawaa neyaab nindatoomin Anishinaabe-izhi-noojimowinan miinawaa inaadiziwinan ji-nandagikendaming giishpin ikwe gemaa gaye inini wii-ani-izhichigeng miinawaa wii-ani-aanjichigeng. Ontario izhichigewinan miinawaa maajii-izhichigewinan wenji-ategin waa-aanjitoong miinawaa waa-nanaa'itoong mino-ayaawin oodenaang megwaa enokaazong Anishinaabekwe-izhichigewinan miinawaa 2SLGBTQQIA+ izhichigewinan waa-izhi-biidoong mino-ayaawin. Miinawaa gaye izhichigewinan miinawaa naadamaagewinan ji-izhi-odaapinaming, ji-waawiindaming ganawenjigaazowin, miinawaa awashime wenji-izhi-inaadizing waa-minwashkineg miinawaa awashime waa-izhi-noojimong weweni miinawaa inendamowining waa-izhi-noojimong miziwe Ontario.

Inagakeyaa Miikaansing Weweni Wenji-dibaakonigeng

Ningaabii'anong, niwiji-anokiindimin waa-ayaamaang neyaab nindinaakonigewinanin miinawaa waa-doodaming izhichigewin waa-aanjitoong ji-dibaakonigeng weweni. Ontario wenji-ganawaabanjigaadegin wii-aanjichigaadegin dazhiikamowaad Anishinaabeg miinawaa ezhi-ayaag waa-aanjichigaadeg memindage go ningoji gaye wenji-dibaakonigeng, wenji-dakoniweng miinawaa abinoojiing wenji-izhi-ganawenimind.

Inagakeyaa Miikaansing Izhaang Inaadiziwining

Giiwedonong, nindizhichigemin geyaabi ji-dazhiikaming waa-ayaaming neyaab, ji-gikenimigooyaang geget igo ezhi-anishinaabewiyaang. Manaadendaming Anishinaabewaakonigewinan edaming aanji-manaadenimindwaa Anishinaabekwewag – edaming minwenimindwaa miinawaa anamikawindwaa Anishinaabekwewag, ikwezensag miinawaa 2SLGBTQQIA+ bemaadizijig ji-gichitwaawendaagoziwaad miinawaa ji-gichi-apiitendaagoziwaad. Maajii-izhichigewinan ji-nanda-izhi-noojimong waa-atoong, waa-ayaaming miinawaa waa-bimaaji'aming Anishinaabemowinan, Anishinaabewaadiziwinan miinawaa Anishinaabewiwinan memindage go.

